




周小農年譜

戊辰秋日  
顧廷龍時年五



R2-0P  
4

周小農先生遺像



無錫周小農先生象贊

吾友小農系出元公方頤廣穎雅度雍容氣稟  
錫山靈鍾元龜渚訓懍趨庭忠信是主長習岐  
黃活人惟務篤守師承學不泥古廣搜醫籍光  
大發揚博施濟眾刊布驗方壽踰花甲來去  
清明皈心內典利賴群生惟我與公神交最久  
詰嗣象賢香江握手高風雖邈道範猶存  
載瞻遺照河嶽同尊

劉筱雲敬題





周小農年譜

周源逢儒編

清光緒二年丙子（一八七六年）一歲

三月十一日卯時生于無錫縣北塘煤場弄口恒生行。譜名廷鏞，又名鎮。乳名金奎。字伯華，是日清明，故一字明生，號小

農。

源按：在清乾隆時，吾家藏有宗譜，毀于咸豐兵燹。先曾祖達三公僅奉列祖木主十三位以避難。事平後，據以敬錄祖諱及生卒年月。民國八年，惠山宗祠重修大統譜。先父為元公（諱惇頤，字茂村，宋湖南營道人。卒謚元公。自六世孫應高，分居無錫。）三十一世孫。在八大支中屬老宅基支。奚山分支，我二十世祖一鳳公自明季遷居西門，是為西門支。三百年來，讀書業儒，或為商賈（墓碑稱處士者多）。小農公在滬行醫時，以伯華字行。返里後，用小農之號，間以周鎮及

周小農年譜

明生署  
名

祖父達三公，諱世勲，時年四十九。祖母金太君前卒。繼祖母李太君，年四十二。達三公祖居西門外梓樹巷，咸豐後毀。輾轉流徙業商，後集股設恒生棉子行。全家住樓上。父莘農，公時為司帳。

父莘農公，諱增培。金太君出。原名愷，字瑞禎，又字心農。時年二十六。

母袁太孺人，同邑江芙蓉塘公次女，名梅，時年二十四。長叔莘耕府君，諱榮培，字寶琴，時年十六。

仲叔耕賢府君，諱德培，小名芳官，時年七歲。

三叔李受府君，諱福培，時年五歲。均李太君出。

姑母二：長姑全出，次姑李出，俱前卒。

光緒三年丁丑（一八七七年）二歲

十一月十四日，弟仲華生。譜名廷銓，又名融，字栢生，一字步丹。

光緒六年庚辰（一八八〇年）五歲

十二月十七日，妹雲鳳生。

光緒九年癸未（一八八三年）八歲

正月十七日，二妹雲和生。二十一歲適同邑八字橋李儉人，

民國元年病故。守節至民國十四年十二月卒，存年四十三歲。

生一子早殤。

與仲華弟入私塾，從陶心疇亮采先生讀四書兩年。幼均穎悟，數過即成誦。

光緒十一年乙酉（一八八五年）十歲

春從龔茂才晉卿先生讀于蔡氏家塾，授《詩》、《易》二經。

龔師為邑中名士，鄉試未售，授徒有名。每過師出，端坐誦習如故，不與同學跳踉嬉戲者為伍。師每目之曰：「可教也。」

五月初九日，三弟履方生。譜名廷鑑，後名冕，一字壽生。

光緒十二年丙戌（一八八六年）十一歲

仍從龔師讀，授《尚書》。秋八月始講《論語》，每有叩問，



應答無訛。蔡氏子年長五六歲，輒瞠木訥訥，故為龔師所稱，謂周氏兄弟，非同輩可及。

光緒十三年丁亥（一八八七年）十二歲

春，仍從龔師授《禮記》。

六月十四日，三妹雲停生。

華農公以微故為外人讒言所中，達達三公之怒，於中秋之夕，隻身赴上海，承同鄉吳君明揚之介，十一月望日進謝永昌鐵號司會計。適宣琴山先生秉鐸海上，即請其作保。

遭此家難，冬，兄弟輟學，龔師惜之，寄書華農公，謂二子非常人，即或習賈，亦須多讀書，不必躊躇跼蹐也。

光緒十四年戊子（一八八八年）十三歲

四月，袁太孺人奉達三公命分居，遂移居胡璟鎮陳氏姨母家。臨行時，繼祖母撥米二斗，碗十只，箸十雙，鹽一鉢，乾菜一小罈。

光緒十五年己丑（一八八九）十四歲

袁太孺人率子女從革農公于上海。四月初五日乘船，初九日到。就居滬北新唐家弄順慶里。兄弟在寓，閉戶潛修，讀書聲琅琅徹戶外。隣兒群嬉於外，略不少顧。每收租之人來，輒頽而嗟異之。

源幼時聞諸祖母

光緒十六年庚寅（一八九〇年）十五歲

五月初六日，由同鄉榮子文先生薦入石路泳康錢莊習業。二月初五日患爛喉痺痧，醫者多進表劑，汗出不止，致氣血兩虧，手足俱痿，舉動需人。多方求治，內服溫補之藥，外用針灸諸法醫治。至翌年夏，足距漸平。九月間勉可循牆而行。時同家八口，醫囑弟妹等宜分居以避傳染。但客地生疏，乏戚眷寄育，祇可服藥預防。一聽天命，致長妹雲鳳、三妹雲停相繼殤，權厝于無錫中橋義塚。

光緒十七年辛卯（一八九一年）十六歲

三月十二日，四弟上生生，名鉞，三歲以天痘殤。

光緒十八年壬辰（一八九二年）十七歲

三月間。起居全愈。蓋調治一載有餘。邀天之祐。未成殘疾。  
達三公示論。醫為仁術。兼可衛身。即由莘農公授讀《內經》。  
《本草》等書。八月二十四日。以表戚殷兆先君之介。返錫從  
南門外鄧美和先生學醫。未幾。即隨師下鄉臨症。承命寫方  
案。

光緒十九年癸巳（一八九三年）十八歲

以大病之後。足乏遠力。九月十三日因病返滬。先是。家裏  
中述鄧師不重讀書。畢業同學祇讀《本草從新》。《湯頭歌訣》  
等四五種。莘農公聞而大詫。以為醫道精微。當博學深究。  
厚植根柢。遂命以體孱為解。辭鄧師而歸。

光緒二十年甲午（一八九四年）十九歲

五月十六日奉華農公命，從武進錢貽生先生讀醫書。

時寓上海北區

德安里設診所冬十一月二十日輟學。

八月二十三日，承榮子文先生執柯，與榮巷霽亭公長女素華訂婚，時年十六歲

光緒二十一年乙未（一八九五年）二十歲

正月，華農公就源昌錢行司會計。居滬邑人祝蘭舫先生，以貨殖起家。滬錫二地經營廠號多處，知人善任。去歲即面聘者。

光緒二十二年丙申（一八九六年）二十一歲



二月十六日，由祝蘭舫先生轉倩蔡君瑞馨介紹，受業於武進張韋青先生。張先生行醫無錫數十年，聲譽翕著。晚年厭囂，自號且休館主。於乙未來滬，寓福州路安康里。嘗見其處方而仰慕之。

三月初三日，繼祖母李太君以噎膈疾卒於無錫，年六十二。革農公先期返家，安排一切。

光緒二十三年丁酉（一八九七年）二十二歲

四月十八日起，假老閘長壽堂藥店應診。下午四時回張先生處侍診。

五月，張先生率同學九人合影留念。

源按：張先生來滬後，從學者府君最先。繼為郁聞克、劉幼亭、孫子峯、許翔霄、何永清、陳麗江、江菊人並先生之姪蘭蓀。先生題影曰且休館侍讀圖，手書且休館記。分與同學者，由江君菊人錄先生題詩五律二首及江君撰七律二首，中有今日同門有九人，不知誰氏可傳薪之句。同學中江君已入庠，文學最優。劉君為同邑洛社人，與府君往來為多。

六月初一日，又寓新橋南鼎大錢莊應診。莘農公時時叮囑謹  
慎小心，審詳確當；虛實寒熱，切須辨明；除去陋醫習氣，  
常存濟世之心，時懷克己之念，不負所學。

源錄祖  
父日記

十一月初一日，弟仲華以肺疾卒，年甫二十一。聘婦張，同  
邑張巷月洲公次女，聞訃，慟不欲生，將以身殉者屢。父母  
哀之曰：兒明節義，吾不奪兒志，侍吾二老終身可也。遂布  
衣蔬食，守貞至老。

源按：民國二十七年秋，于漢口旅次，晤同邑張君，偶及仲父聘室事。曰：我從姑也。守身率禮，戚鄰咸敬愛之。今尚老健。迨源退休後訪之，則已前卒，壽逾八袂云。

袁太孺人以慟子情深，辛勞過度，喘嗽宿疾又發，身熱胃呆，繼則背患搭手，紅腫疼痛，如負百鈞之重。直至次年正月中，自漸愈，以家窘未延外科醫，自出膿、拔毒、生肌、收口，皆一手料理。

源按：先君手抄本馬培之《外科傳薪集》，民國二十五年由紹興袁吉生輯入《珍本醫書集成》中，先君序言亦及此事，謂檢方用藥，化重為輕，幸而獲痊。

光緒二十四年戊戌（一八九八年）二十三歲

在張先生處肄業滿期，二月初七日上午敬辭出館，即假師之

外套大帽穿戴，叩謝培植之恩。承華農府君居傳祝先生美意，三月初九日起即在源昌鐵行懸壺。族承榮子文先生介紹，于閏三月初一日起，逢單日上午至廣益善堂施診，午後仍在源昌應診。

九月廿六日，華農公回錫，租定北門外茅蓬沿河橫街一屋為娶婦新居。

十二月初七日，雇船攜家返錫。

光緒二十五年己亥（一八九九年）二十四歲

正月十九日，外舅藹亭公送女來城結婚。

四月十五日還回上海，暫住源昌鐵行貨棧樓上。九月初六日